

Aningaaserivinni ileqqaakkat akileraarutitigut oqilisaaffigineqarnissaat pillugu Namminersornerullutik Oqartussat nalunaarutaannut

Aningaaserivinni ileqqaakkat akileraarutitigut oqilisaaffigineqarnissaat pillugu Inatsisartut inatsisaanni nr. 2, 6. maj 1989-imeersumi § 10 naapertorlugu inatsisartullu inatsisaanni nr. 2, 23. maj 2000-eersukkut kingullermik allanngortinneqartumi makku aalajangersarneqarput:

§ 1. Aningaaseriviit, aningaaserivinni ileqqaakkanut akileraarutitigut oqilisaaffigineqartunut kontunik pilersitsisut aaqqissuussamik isumaginninnerminni suliaassat makku isumagisassaraat:

1) Kontumik piginnittup aqqa, inuttut normua najugaalu ilisimassallugit.

2) Ileqqaakkanut akiliinermi piumasaasut tamatigut naapertorneqarnissaat nakkutigissallugu.

§ 2. Ajunngitsorsiatut erniat erniatigullu tapiissutit akileraaruteqaataasusnaanngitsut aatsaat tunniunneqassapput kontumik piginnittup, ileqqaakkat siunertamut akuerisaasumut atorneqarnissaat aningaaserivimmut uppersarsarpagu kiisalu kontumik piginnittoq uppersarsaammik atsiugaqarpat.

Imm. 2. Uppersarsaalluni atsiugaq uppersarsaammik ilaqartillugu aningaaseriviup Akileraartarnermi Pisortaqaarfimmut nassiutissavaa, aningaasat ileqqaakkat siunertamut sumut atorneqartussatut tunniunneqarsimanersut nalunaarlugu.

§ 3. Akileraartarnermi Pisortaqaarfik isumaqatigiissuteqaarfigalugu aningaaseriviup ukiut tamaasa 31. december-imi naatsorsukkat, kontut ataasiakkaat pillugit paasissutissanik imallit akileraartarnermut oqartussaasunut nassiuttassavai.

§ 4. Kontut ataasiakkaat pillugit paasissutissat Akileraartarnermi Pisortaqaarfiup aningaaserivinnut qinnutigisinnaavai.

§ 5. Kontut amerlassusii, uninngasuutigineqartut il.il. pillugit nalunaarusiamik qinnuigineqarnermigut aningaaseriviup Akileraartarnermi Pisortaqaarfik nassittassavaa.

§ 6. Paasissutissiisusnaanerp qanoq ingerlanneqarnissaanut maleruagassat sukumiinerusut Akileraartarnermi Pisortaqaarfimmit aalajangersarneqassapput.

§ 7. Nalunaarut atortuulissaaq ulloq 15. juni 2000.

Imm. 2. Tamatumunnga peqatigitillugu akileraarutitigut oqilisaataasumik ileqqaarnernut aaqqissuussinerit pillugit nalunaarut nr. 23, 15. juni 1989-imeersoq atorunnaarsinneqarpoq.

Namminersornerullutik Oqartussat, ulloq 31. maj 2000.

Josef Motzfeldt

/

Kaare Hagemann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut